



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 105. Joannis Dubravii Skalæ obitus.

[urn:nbn:de:hbz:466:1-66577](https://nbn-resolving.de/urn:nbn:de:hbz:466:1-66577)

Sæcul. XVI. cimo post anno Academiam, seu Colle-
A.C. 1553. gium erigeret, illiusque Curam Stur-
mio demandaret: Denique perutilem
contulit operam Joanni Sleidano in con-
cinnanda sua Historia; nam hunc tam
suis consiliis, quam traditis commen-
tariis plurimum juvabat, ut ipsem
Sleidanus in sua epistola nuncupatoria
his verbis fatetur: *Intervenit vere no-*
bilis, & præclari viri, Jacobi Sturmii,
subsidium, & opera, qui per annos am-
plius triginta versatus in publicis, & ar-
duis negotiis, maxima cum laude, cum
sua me non dignaretur amicitia, qua-
fuit ipsius humanitas, dubitantem, &
bærentem aliquando in vadis, atque sco-
pulis, peritus ipse gubernator, subinde
reduxit in viam æquabilem, minimeque
salebrosum, & majorem operis partem,
ante morbum, quo sublatus interiit, meo
rogatu perlegit, & quorum oportuit,
diligenter admonuit. Referunt nonnulli,
Sturmum per plures annos cœnam Lu-
theranorum more sumere recusasse, eo-
quod altercationibus, quibus Ministri
inter se circa sensum horum verborum:
Hoc est Corpus meum: collidebantur,
graviter offenderetur.

§. CV.

Joannis Dubravii Skalæ obitus.

Joan.

Joannes Dubraw, seu Dubravius Skala, Sæcul. XVI.
celebris Bohemiæ Patriæ suæ Histo- A.C. 1553.
ricus Pelsinæ haud ignobili ejusdem
regni oppido natus ex Familiæ suæ co-
gnomine Skala vocabatur, postquam
vero equestri dignitate auctus, atque in
Nobilium numerum Regio diplomate
esset accensitus, tum primum Dubra-
wiski nomen ex vetustissimo quodam
Moravorum genere mutuabat. Hic
idem in Italiæ Gymnasio eam operam
literis navabat, ut in jurisprudentia Do-
ctoratus lauream emereretur: inde vero
reversus Stanislao Olomucensi Episcopo
semper a consiliis, rebusque gerendis
præfeto fuit, imo etiam ejusdem quo-
que copias, cum Vienna a Turcis cin-
geretur, ducebat. Insuper præclara ad-
modum obsequia Ferdinando durante
bello præstitit, ac Bohemorum seditio-
nem sedavit: quibus rebus prospere per-
actis populares suos in Principis juste in
eos commoti gratiam reducebat, unde
in laboris sui præmium a Ferdinando
ad Olomucensem Episcopatum defuncto
Zanbeck Stanislai Successore nomina-
batur, eamque Ecclesiam summa pru-
dentia, ac morum probitate regebat,
suique muneris sollicitudinem ad pro-
fana extendebat negotia; nam primo in
Silesiam, & postea in Bohemiam ab-
legabatur, nec minus renuntiabatur Præ-

Yy 2 fes



Sæcul. XVI. ses Curiæ, quæ ad inquirendos rebelles Schmalkaldico bello implicitos constituebatur. Scripsit etiam *Historiam Bohemicam* triginta tribus libris comprehensam. (*)

§. CVI.

Joannis Baptista Egnatii extrema.

*Thuan. l. c.
Vossius de
hist. Latin.
Gesner &
Possevin
Bibl.*

Hoc item anno Joannes Baptista Egnatius die quarta Julii anno ætatis suæ octogesimo naturæ debitum solvit. Hic Venetiis natus ibidem Angeli Politiani Magisterio usus humaniores literas discebat, easque indecesso studio postea longo tempore tradebat, nec non instituendæ juventuti adeo aptum fese reddebat, ut ætate declivis, cum inter emeritos recenseri peteret, hanc gratiam obtainere non posset, eoquod id in grave studiosorum damnum cedere, Senatus existimaret: tandem cum decrepitæ ætatis esset, optatam publici sui munera abdicationem impetrabat, atque a Venetorum Republica in præ-

() Cum Continuator hujus Viri obitum referre oblitus fuerit, hæc adjungenda videntur: *Obiit apoplexia tactus anno Salutis millesimo quingentesimo quinquagesimo tertio, die decima octava Septembri: Hæredem script ex Sorore Nepotem Wenceslauum Dubratvskium.*